

四明叢書

張宗祥



慈湖詩傳目錄

卷一

國風周南

卷二

國風召南

卷三

國風邶

卷四

國風鄘

卷五

國風衛

卷六

國風王

國風鄭

卷七

國風齊

國風魏

卷八

國風唐

卷九

國風秦

國風陳

國風檜

卷十

國風曹

國風幽

卷十一

小雅一

鹿鳴至鶴鳴

卷十二

小雅二

祈父至雨無正

卷十三

小雅三 小旻至四月

卷十四

小雅四 北山至裳裳者華

卷十五

小雅五 交交桑扈至何草不黃

卷十六

大雅一 文王至文王有聲

卷十七

大雅二 生民至召旻

卷十八

周頌

卷十九

魯頌

卷二十

商頌

附錄

樓鑰答楊敬仲論詩解

慈湖詩傳卷十四

宋慈溪楊簡敬仲撰

小雅四

陟彼北山言采其杞偕偕士子朝夕從事王事靡盬憂
我父母溥天之下莫非王土率土之濱莫非王臣大夫
不均我從事獨賢四牡彭彭王事傍傍嘉我未老鮮我
方將旅力方剛經營四方或燕燕居息或盡瘁事國或
息偃在牀或不已于行或不知叫號或慘慘劬勞或棲
遲偃仰或王事鞅掌或湛樂飲酒或慘慘畏咎或出入

風議或靡事不爲

補音賢下珍切劉向校列子錄云字多錯誤以賢爲形荀卿成相篇曷爲賢明君臣上能尊主愛下民又曰堯讓賢以爲民汎愛兼德施均賦篇或厚或薄帝不齊均桀紂以亂湯武以賢三略軍讖羣吏朋黨各進所親招舉奸枉抑挫仁賢史記敘傳莊王之賢乃復國陳又曰子產之仁紹世稱賢漢書公孫敘傳旣登爵位祿賜顧賢布衾蔬食用儉飾身何王敘傳哀平之卹丁傳莽賢武嘉戚之乃喪厥身議魚羈切論

也糾繆正俗或問曰今人讀議爲宜得以通否答曰
詩云或出入風議或靡事不爲故知議有宜音東方
朔七諫高陽無故而委塵兮唐虞點灼而毀議誰使
正其真是兮雖有八師而不可爲崔駰達旨行有枉
徑而我弗隨臧否在予唯世所議今釋氏亦有宜音
李曰杞枸杞也左傳昭公十年有圉生之杞杜預
注云世所謂枸杞者行役于外采杞而食偕偕士子
則與士子偕行者不一也次章怨大夫之不均以大
夫秉政役使士子不均也周官所謂卿者正大夫也

然則作詩者士歟而衛宏作毛詩序曰大夫刺幽王
宏考詩鹵莽牽類此靡鹽解見四牡不獲待養故憂
父母孟子荀氏左氏皆作普天之下呂曰古無濱字
說文作瀕徐鉉謂俗作瀕非也王氏曰取數多謂之
賢禮記曰某賢於某若干與此同義孔叢子曰我從
事獨賢勞事獨多也出小爾雅廣訓篇彭彭盛貌傍
傍多貌言不獨一事又旁出故曰傍傍鮮善也將壯
大也嘉我未老善我方壯大旅方方剛可以經營四
方詩人之意謂雖嘉我使我而不均也怨其心不愛

我也故具言不均之狀于下朱曰旅與膺同毛傳曰
叫呼號召也呂曰深居安逸雖外之叫呼亦不知也
棲謂安止遲謂遲久言其安止無爲者久也偃臥則
仰矣與息偃同重言者協韻故也左傳僖二十八年
晉車七百乘韞鞅鞅鞅杜注云在背曰韞在胸曰鞅
在腹曰鞅在後曰鞅此詩士子其職卑矣其鞅在掌
方駕車馬故任此勞故世以煩勞爲鞅掌按樓鑰云
毛氏曰鞅
失容也孔氏曰鞅掌煩勞之狀只須用孔說今說頗
迂韞鞅鞅鞅皆在馬之身維轡則在御者之手鞅既
在馬腹如今之肚兜在人手掌也議則有所辨難風者譏風也有所

譏而不切之謂風亦從容和緩之狀

無將大車祇自塵兮無思百憂祇自底兮無將大車維
塵冥冥無思百憂不出于頰無將大車維塵離兮無思
百憂祇自重兮

底音祈補音底眉貧切劉氏七經小傳云博士讀底
爲邸非也底當爲痕痕病也字誤而桑柔詩瘠武巾
切一音昏集韻痕與珉同亦訓病字書民與昏多互
用如緡與緡皆音民恐此詩本作緡讀如珉或底亦
自有珉音補音珉莫迴切集韻正引此詩晉樂志地

郊饗神歌冥冥與景叶至傳咸賦毛傳云無將大車
維塵冥冥濟濟多士文王以寧又讀爲平聲頴古廻
反 是詩譏不明而近小人雖憂無益也而衛宏毛
詩序曰大夫悔將小人非也使其果悔則明矣不止
于頴則憂思爲有益矣何以曰祇自塵自底自重鄭
氏箋云大車載任之車孔疏云其車駕牛酒誥曰肇
牽車牛服遠賈是詩言無近小人近小人適以累已
大車載任小人之事故以比小人車大則塵多祇只
也祇只職一音而記者不同其義同自塵塵汙己也

智之不明者雖深思百其憂適足自病其不明如故
疾病也小人之不可近明者無疑焉不明者惑於小
人之小善寸能惑而任之及其敗事誤己雖憂思在
於百不出于煩之小明所見終不遠所行所任無以
異於初謂之冥冥可也離擁也塞也當作壅音離豈
古借字耶今京語謂擁爲離聲音輕清故也箋云重
猶累也

明明上天照臨下土我征徂西至於朞野二月初吉載
離寒暑心之憂矣其毒太苦念彼其人涕零如雨豈不

懷歸畏此罪罟昔我往矣日月方除曷云其還歲聿云
莫念我獨兮我事孔庶心之憂矣憚我不暇念彼其人
睠睠懷顧豈不懷歸畏此譴怒昔我往矣日月方奧曷
云其還政事愈蹙歲聿云莫采蕭穫菽心之憂矣自貽
伊戚念彼其人興言出宿豈不懷歸畏此反覆嗟爾君
子無恆安處靖其爾位正直是與神之聽之式穀以女
嗟爾君子無恆安息靖其爾位好是正直神之聽之介
爾景福

除音余莫音暮補音暇胡故切賈誼鵬賦閒暇與故

叶張衡東京賦府庫與未暇叶七辨閒暇與束素叶
與子六反補音戚子六反左氏傳作蹙釋名戚蹙也
說文戚以蹙得聲集韻戚蹙皆子六切太玄清首孚
于肉其志資戚 明明上天照臨下土窮困者呼天
謂天必照之我之憂勞蘇曰朁地名也毛傳曰朁野
遠荒之地初吉朔日也鄭箋云征行徂往也鄭謂以
二朔始行非也至于朁野之日適當二月初吉也此
二月周二月建丑之月也大寒之月寒苦之極故首
章言之其始行乃日月方輿之時非二月初占自初

往方暑至是大寒故曰載離寒暑離羅也先寒而後暑者便文也憂勞至甚故謂之毒且曰大苦其人謂周盛時在位恭敬之人我念之涕零如雨意謂使其人今在位爲政則必相好必不使我至于此極今豈不念歸畏此罪罟罟網也言其網密無所逃罪昔我往矣日月方余除者字之訛歟爾雅云四月爲余鄭箋此詩云四月爲除除字義不可施於建巳之月除其余乎萬物繁盛曰余昔往之時豈謂歲暮方還乎周禮兼用正歲正歲夏正也歲暮丑月之終乎以二